



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

8. Mirum amari laudatores, & vitari reprehensores, cùm contrarium fieri oporteret.

**urn:nbn:de:hbz:466:1-45699**

& rursus aliquid fieret id, quod vehementer medelam rejceret, tamquam inobediens, & quod minimè propter longi temporis superbiam corrigi posset ait S. Greg. Naz. Nempe ut mansuetus & humano curatio- nis modo ad correctionem induceretur, cum neque ramus incurvus sibi- bitam inflexionem, & producentis manus violenter ferret, citinùq; fran- geretur, quàm dirigeretur. Neque equus ferox & adustus, absque as- sentatione & demulsione freni susciperet, tyrannidem. Ut ergo corre- ptio fiat correctio, nec qui corripitur, patientiæ, nec qui corripit, clementiæ debet obliuisci. Nam qui correptus statim fugit, exo- sus admonitorem, perinde facit, ac si sectus à medico, continuoò offensus aufugiat, non expectans ut obligetur, & oblinatur vul- nus, ac mitigetur. Nam is, quod dolet, iam passus, quod opera confert, non vult experiri. Ad corrigentes autem quod attinet, eos ipsos corrigit, aut monet his verbis D. Chrysostomus. Non videtis S. Chryso- medicos, quando urunt, vel secant aliquos, cum quanta lenitate opus cu- rationis exercent? Multò amplius corripientes oportet hoc agere. Ex- enim correctio & igne & ferro vehementius operatur, & resilire facit eos, quibus offertur. Hac circa agrum medici etiam student primùm, quatenus possint agrum facere, sectionem aequanimiter tolerare: & quantum possunt, leniter agunt, & aliquantulum requiescentes agrum faciunt recreari. Sic ergo oportet correptiones efficere, ut & qui corri- piunt, non resiliant, ac si eos iniuriari pronent, ac si percuti, non de- bent abhorre. Nam qui secantur aduersus eos, à quibus secantur, multa reclamant, sed illi nihil impediuntur, sed tantum agrotantium consulunt utilitati & sospitati. Sic etiam hic cuncta gerenda sunt,

Ita quidem constituti debent esse, qui reprehendendo alios corrigunt; at qui corriguntur, reprehenses plures debent face- re, quàm laudatores, à quibus plerique plausum captant. Si & animum vocis intelligeremus, nempe coruorum, graculorum, ait Dio, atque aliorum animantium, nempe ranarum, aut cicadarum, hand dubie & horum vocibus animum aduertemus, quidnam de nobis dice- rot graculus volans, aut pica, & quam de nobis haberent opinionem? Felicitas ergo quadam est, quod non intelligimus. Quot verò homines rari sunt insipientiores & graculis? Et quàm pauci sunt, qui lau- dant? quàm multi, qui vituperant? Ex illis autem paucis, qui hu- manæ gloriæ theatrum conficiunt, quàm viles, quàm pravi iudi-

S. Greg. Naz.  
zianz. orat.  
de Palcha,

S. Chryso-  
stom. hom. 30. ad  
Hebr,

VIII,

Dio orat. 66.

S. Chrysoft.  
hom. 17. ad  
Rom.  
Vide eundem  
hom. 28. in  
Ioan.

cij? Sed dic, quæso, ait S. Chrysoftomus, quot velis habere laudatores? centum, seu bis, seu ter, seu quater totidem? Quin sint duo millia, aut etiam quatuor, vel si ita placuerit innumeri, qui applaudant. Nihil tamen illi omnes à graculis de super garrientibus differunt. Immo si Angelorum theatrum perpenderit, apparebunt illi vermicibus etiam vilioribus; illorumque, praconium, aranearum textura, fumoque, & somnijs infirmis. Hanc ergo rem tam vilem amamus, tanti facimus, quam etiam experimur sæpe, ut idem S. Pater loquitur, esse crudelem belluam, demonem horrendum, communem totius orbis terrarum pestem, viperam venenatam, diserpentem eum, cui innascitur: & reprehensiones maximam utilitatem habentes fugimus, eosque qui mente optima nos volunt emaculare, odio prosequimur, & modis omnibus extinctos volumus? Quam longè aliter sensit, qui dixit: *Corripiet me iustus in misericordia, & increpabit me: oleum autem peccatoris non impinguet caput meum?* & alter ita pronuntians: *Melior est manifesta correptio, quam amor absconditus. Meliora sunt vulnera diligentis, quam fraudulenta oscula odientis.* Vulnerat chirurgus cum venam aperit, ut sanguinem malum deducat; & mercedem ei damus, quia salubriter vulneravit. Iudas Christum osculatur, ut prodatur, dederat enim hoc eis signum; quis non magis diligit more chirurgi vulnerantem, quam more Iudæ osculantem? Et tamen sæpe huic similes sunt laudatores; illi vituperatores nostri. Permittit igitur Deus hos ad emendationem, illos ad probationem: in utroque beneficus.

Psal. 140. 5.

Brou. 27. 5.

#### C A P V T XXXVI.

*Deum non deesse innocentibus humiliatis, sed eos in tempore suo tanto gloriosius exaltare, idque per varia miracula.*

**M**irabilis consolatio est innocentium talia in terris patientium, si Deum credant ubique; semper presentem & omnia providè gubernantem. Non enim tantum à fame sibi tales non timent; sed neque etiam ab infamia. Licet deprimantur à superioribus; licet iudicij & calumnijs appetantur ab æqualibus; licet à toto populo infamentur; & nomen eorum sub hasta vendatur. Si enim eiusmodi iniurias scit videtque patientiæ remunerator Deus, utique in bonum converteret patientis. *Qua*  
de.